



# Dag 1

## JOHANNES DIE DOPER



Nooi die kinders om rondom die kampvuur saam te kom en gemaklik te raak deur op die regop stompe of hooibale te sit. Strek u hande uit oor die vuur asof u dit warm maak.

Het julle geweet dat Johannes die Doper Jesus se neef was en dat selfs al was hulle familie, het hulle mekaar nooit ontmoet voordat hulle 30 jaar oud was nie? Hoeveel van julle het nefies en niggies? Die meeste van julle het seker 'n hele paar nefies en niggies! [Hou u hand op en wag terwyl die kinders hulle hande opsteek.]

Hoeveel van julle het 'n nefie of niggie waarvan julle gehoor het, maar wat julle nog nooit ontmoet het nie?

[Hou u hand op en wag terwyl die kinders hulle hande opsteek.]

Dit is hoe dit was met Jesus en Johannes. Selfs voordat hy gebore was, het God 'n spesiale plan vir Johannes se lewe gehad. Sy spesiale roeping was om van Jesus se koms te vertel. Die dag toe hulle vir die eerste keer ontmoet het, het Johannes selfs vir Jesus in die Jordaanrivier gedoop! Maar wag 'n bietjie, ek hardloop nou my storie vooruit. Johannes die Doper was gebore in die stam van Levi en het in 'n klein dorpie groot geword saam met sy ouers, Sagaria en Elisabet. Later, toe hy 'n jong volwassene was, het God vir Johannes laat weet dat dit tyd was om die huis te verlaat en op sy eie te gaan woon. God het Johannes geroep om vir die mense te vertel dat Jesus, die Messias, binnekort gaan kom en om vir mense te sê om hulle te bekeer. Om te bekeer, beteken om jammer te wees oor al die verkeerde dinge wat jy gedoen het en wil verander en 'n beter lewe wil leef. Johannes het daar by die Jordaanrivier begin preek en almal uitgenooi wat kom luister het om weg te draai van hulle sondes en hulle te bekeer. Hy het ook vir hulle vertel dat God se koninkryk binnekort sou kom. Dit was Johannes se taak — om mense te vertel dat Jesus binnekort sou kom en om mense te roep om anders te wees. Om hulle uit te daag om te verander van hulle selfsugtige, sondige maniere en om te kies om te leef soos wat God wou hê hulle moes leef. Wanneer mense gesê het, "Ja, ons wil ons bekeer en die manier hoe ons leef verander," sou Johannes hulle in die Jordaanrivier doop om





## Dag 1



hulle so 'n sigbare demonstrasie te gee dat hulle sondes weggewas was. Dit is waarom Johannes bekend geword het as Johannes die Doper.

Johannes die Doper was anders as die meeste mense rondom hom op maniere wat maklik was om raak te sien. Byvoorbeeld, as julle gesien het die manier hoe hy aangetrek het, sou julle gedink het dat hy 'n bietjie snaaks gelyk het. Die Bybel sê dat hy klere gedra het wat van kameelhare gemaak was met 'n leergordel om sy middel — nie presies volgens die nuutste modeneiging nie! Ons kan sê dat hy sy eie styl gevolg het. [Wys nagemaakte kameelhare.]

Sy eenvoudige dieet was ook 'n bietjie buitengewoon. Volgens Mattheüs 3:4, het Johannes die Doper sprinkane en wilde heuning geëet. Sommige mense dink die sprinkane wat Johannes geëet het, was sprinkane. Op sekere tye van die jaar sou sprinkane in sulke groot swerms vlieg dat die lug swart sou word. Andere sê dat die sprinkane wat hy geëet het, was die lang boontjiepeule wat aan 'n spesifieke boom groei wat in daardie deel van die wêreld gevind word. Miskien het julle al hierdie soort peule geëet; vandag noem ons dit johannesbrood (carob). In elk geval, hy was nie die enigste persoon wat hierdie tipe voedsel geëet het nie, maar dit was beslis nie op die lys van die 10 gewildste voedsels van die dag nie! Nou is dit julle beurt om sprinkane en wilde heuning te proe. Sê vir my wat julle dink! [Deel die heuningstokkies en johannesbrood (carob) energiestafies uit vir die kinders om te proe en wys hulle dan die sprinkane. Wees op die uitkyk vir enige kinders met allergie etikette.]

Johannes die Doper was 'n eenvoudige man wat sy lewe daaraan toegewy het om mense te vertel van die komende Messias, die Verlosser wat God belowe het sou kom. Hy was nie bekommerd daaroor om gewild te wees of dat mense van hom moes hou nie. Hy was nie bang om die waarheid te praat nie en verkeerde dinge wat mense gedoen het uit te wys nie. Met tye was hy vinnig om vir mense te sê presies wat hulle nodig gehad het om gered te word. Basies het Johannes die Doper vir mense gesê om hulle te bekeer van hulle sondes, God te gehoorsaam en om aan die armes te gee. Hy was getrou, gehoorsaam, en heeltemal toegewy aan God se roeping om anders te wees. Net soos wat God vir Johannes die Doper geroep het, het Hy julle ook geroep! Ons is geroep! [Wys kinders om te reageer.]

Kinders Geroep om Anders te Wees! Hoera!





# Dag 1



Die Bybel sê in 1 Petrus 2:9, "Maar julle is 'n uitverkore geslag, 'n koninklike priesterdom, 'n heilige volk, 'n volk as eiendom verkry.'" Wanneer ons Jesus in ons harte en lewens innooi, behoort dit die manier wat ons dink, praat en optree, te verander. Mense behoort te kan sien dat daar iets anders en uniek aan ons is. Die manier waarop ons ons lewens leef as volgelinge van Jesus behoort te maak dat ander mense Hom ook sal wil volg. Die goeie nuus is, ons hoef nie bekommerd te wees om dit op ons eie te doen nie. God sal ons die krag gee en alles wat ons nodig het om anders vir Hom te wees. Dit herinner my aan ons Goue Gesegde. Kom ons sê dit saam... [Hou die plakkaat op met vandag se Goue Gesegde.]

"(Jesus) ...wie ons gered het en ons geroep het met 'n Heilige roeping..."  
2 TIMOTHEUS 1:9.

Hoe is julle anders? Dink 'n oomblik hieroor en dan een vir een binne julle groep, met julle Leier, deel hoe julle hierdie sin sou voltooi: "Ek is anders omdat ek...." Nadat almal 'n kans gehad het om te deel, bespreek hoe om anders te wees jou kan laat voel. O! Moenie vergeet om te praat oor hoe dit jou laat voel het toe ons Die Sprinkaan Geskuifel gespeel het en julle nie in 'n groep kon inpas nie, maar in plaas daarvan moes opstaan terwyl al die ander gaan sit het. [Gee genoeg tyd vir die Leiers om hierdie met hulle groep te bespreek.]

